

立贈找洗水田、屋宇、地基字人李鼎財等。情因母喪，無奈資費欠缺，不得已將賣出鬮分水田、屋宇、地基界內，托得中人前來到場，向求買主借出多少銀項應用，當日三面言定贈洗價佛銀壹拾肆大元正，即日銀字兩交清白，並無債務抵塞，亦無短少等情，日後子孫永不敢加贈，亦不敢加求，自贈之後永為塵清。此係二比甘歡允。口恐無憑，立出贈找洗水田、屋宇、地基字壹紙，付執為照。

即日批明：實收領到贈找洗水田、屋宇、地基價佛銀壹拾肆大元正足訖，立批。

在場見人 侄李運興

李鼎傳

說合中人 李琳生

侄李大福

大清光緒拾捌年拾月 日立出贈找洗水田屋宇地基字 李鼎財親筆

